

Iuku ria Ngai ria twana  
Ribureterete

Pasaka ya  
Mbere



Riandikitwe ni: Edward Hughes

Rionanitwe ni: Janie Forest  
Alastair Paterson

Ruamukiri ni: Lyn Doerksen

Ritauritwe ni: Florence K. Arimi

Riaritwa ni: Bible for Children  
[www.M1914.org](http://www.M1914.org)


©2020 Bible for Children, Inc.

Laisence: Niwitikiritwe gukobia kana kuritithia rugono ruuru,  
bunka ruti rwa kwendwa.



Mwekuru uju araruungama karimene  
iguru antu kwari na gituma, metho  
jawe jari na kwithikiira  
na ategeete iguru  
kwari na mantu  
jakarikaga jatabuui.  
Mwana wawe  
niakujaga. Ng'ina  
ari Maria, naa  
ararungama akuui  
na aria Jesu  
acuuritwe  
mutharabene.





Mantu jaja jonthe  
jakarikire atia? Natia  
Jesu oombire kuriikia  
utuuro bwawe na njira iji  
itabuui? Niatia  
Murungu  
etikiriirie  
mwana  
wawe acuurwe  
mutharabene akua? Nika  
Jesu athukiirie nakurega  
kuuga wee arii uu? Nika  
Murungu aagwire?





Aari! Murungu atagwire. Na Jesu guti makosa athiithitie. Jesu niaiji akoragwa ni antu ba mantu jamathuku. Kuma Jesu ariimwana, mukuuru Simeon nieriite Maria mantu jauu nijari jakariike.



Ntuku inkaii  
mbere ya Jesu  
ooragwa, kuri  
mwekuru wetiire  
aramwituriria  
maguuta ja gooro  
muno maguruune  
jaawe. "Ni mbeeca  
akuinyangia" ariitwa  
bawe barauga. "Akuthithia  
ngugi imbega" Jesu barateeta. "Athiithia oo  
niuntu bwa mathiko jakwa." Biiugo bia kuriigaria!



Nyumeene, Judas,  
uumwe wa ariitwa ba Jesu,  
areetikiirwa kuendia Jesu  
tuaabu 30 twa thaabu kiiri  
athinjiri bria baneene.






Nikwari na kigongoana  
kwa ayaudi, Jesu niariire  
iriio biawe bia muuthia na  
ariitwa bawe. Arabeera  
mantu ja kurigaria ja  
Murungu na wiirigiro bwawe  
kiiri baaria bamwendete.  
Jesu arabanenkera  
muugate na  
ndibei nikenda  
bagaana.



Okaiiri Jesu areera acoore bawe ati kuri boo bakamwendia na bagatoroka. "Nii ntiuura," Petero arauga. "Mbeere ya nguuku igamba, ugankana maiita jathatu" Jesu raamwira.






Nyumene oo utuku  
buu, Jesu areeta  
kuromba muundene  
jwa Gethisemane.  
Ariitwa baria bari  
nawe baramaama.  
"Ui Baba wakwa,"  
Jesu araroomba,  
"Riita gikombe giki  
kuma kiri nii. Noo,  
tikuenda gwakwa,  
noo tauria gwe  
wendete."



Igiita riti riraja antu babaingi  
baratonya kamundeene, batongeretwe  
ni Judasi. Jesu gutiu areega, no  
Petero aragiita guutu kwa umwe  
wao. Akiriiritie, Jesu  
aratongithia guutu kwa  
muntu uria na aramworia.  
Jesu niaiji kugwatwa  
kwawe ni kwenda  
kwa Murungu.



Antu bau baraiikia Jesu nyomba ya Muthinjiri.

Auu, anene ba Ayaudi barauga Jesu oragwe. O

au akwii, Petero aruungi karuteere ka mwanki jwa

ariiti baa ngugi ateegeta  
uria gugwita naa mbere.

Maita taa jathatu antu  
bategete Petero na

baramwira, "Onagwe  
niwaari na Jesu!"

maita jathatu


Petero arakaana,  
otauria Jesu

augite. Petero  
araruumana na

mijiitwo.



Kuu-Kuu-Kuu-Kuuu




Oorio, nguku irakurura.  
Juu jwari ta mugambo  
jwa Murungu kiri Petero.  
Akuririkana miigambo ya  
Jesu oria amwirate Petero  
arariira na murimo.





Judasi araigwa ari na  
kieba. Niaji Jesu ataari  
na meehia kinya jariku.  
Judasi aracokeria  
athiinjiri tuaabu turia  
30 no batetikire.





Judasi arageera  
mbecha iu nthi,  
arauma oome -  
na araicuuria.






Athinjiri barareta Jesu kiri Pilato, ngabana wa aroma. Pilato arauga "guti uthuku kinya ndiroon no buriku bwa muntu uju." No antu bareeta mbere nakuuga, "niambwe mutharaba! niambwe mutharaba!"




Muthiene Pilato  
areetikiria, arauga Jesu  
ambwe mutharabeene.  
Askari barajukia Jesu  
bakimutujagira mata uthiu,  
na kumuura. Barathondeka  
kirauni kia miigwa imiraja  
muno na baramwikira kiongo.  
Baramuringira micumari  
kiri muthalaba  
nikenda akuue.



Jesu niaji agaakua ona njira iu. Na niaiji  
gikuu kiawe gikareeta urekeri kiri eehia  
baria bamwitikitie. Aamba bairi baracuurwa

mutharabeene na Jesu. Umwe  
nietikitie Jesu - areeta  
iguru ria gikeno.

Ou uungi  
atetikitie  
Jesu.



Nyuma ya mathaa jamakai ja  
kuthangiika, Jesu arauga,  
"Mantu jakuthira," na  
arakua. Ngugi  
yawo nthiguru  
irarika. Acoore  
baramuthika  
kaburine ka  
mwanya.



Askari ba aroma  
nibo bakariitie  
kaburi. Riu gutiwe  
uringi gutonya  
ndene kana auma  
oome.



Rugono ruru rurindithirira aja,  
rurindithirua ruri na kiao  
muno. No murungu  
arathithia untu bwa  
kurigaria. Jesu  
atakara Kaburine  
akuete.




Thaa cia ruukiri ntuku ya mbere  
ya kiumia kiu, ariitwa bamwe  
ba Jesu barethiira  
iiga ririti kaburine.  
Bagutega ndene  
Jesu ataari kuu  
kaburine.



Mwekuru umwe arakaira akiriraga  
au kaburine. Jesu aracionekania  
kiriwe! Aramatuka akenete  
muno kwira aritwa bauu bangi.  
"JESU NIARIUKITE! JESU  
AGUCOOKA KUMA KIRI  
BARIA BAKWITE!"





Oorio Jesu areja kiri aritwa bawe,  
arabonia arama cia micumari njareni ciawe.

Niima. JESU NIARIUKITE OKAIRI!  
Aramurekera Petero tontu bwa kumukaana,  
naa areera ariitwa bawe beere muntu  
wontho mantu jawe. Areeta Iguru  
matuine naria aumiite.



# Pasaka ya Mbere

Karugono kuuma kiri kiugo kia Murungu,  
iuku ria Ngai

koneekete kuuma

Mathayo 26-28, Luka 22-24,  
Johana 13-21

"Witikio bwa kiugo kiawe nikiyo utheeri."  
Zaburi 119:130



Mwisho



Iuku riiri ria Murungu riiritwiira maantu ja Murungu wa kurigaraaria muuno uuria watumbiire na uuria weendaga umumeenya.

Murungu niaiji nituthiithitie maantu jamathuku muno, jaarua etaaga meeyia. Nthiinjire ya meeyia ni gikuo, indi mwathani akuendete muno niuntu niatumire muutana waawe wa muumwe jesu, araambwa mutharabeene na araewa nthiinje niuntu bwa meeyia jaaku. Jesu niaariukire na areeta njeewe iguuru! Weetikania na nteeto cia Murungu na wairiira meeyia jaaku, akaathithia uu! Akeeja atuure ndeene yaaku kairi, na ugaatuura nawe kenya na kenya.

Kethira nugwitikia iji ni nteto ciana, iira Murungu mantu jaja: Kiri Jesu, nimbitikitie ugwe uri mwathani, na waare muntu nikenda ukua nontu bwa meeyia jakwa, na nandi uri mwoyo. Ndaromba wiije ndeene ya mwoyo jakwa na undekeere meeyia jakwa nikenda nkaagia na utuuro bubweru na ntuku imwe nkeeja ntuure nagwe kenya na kenya. Nteetheria nkuathikire na nguturiireta mwana waku. Ameni.

Thooma Iuku ria Murungu na warie na Mwathani ntuku cionthe!  
Johana 3:16

